

II - ARABAKO LURRALDE HISTORIKOAREN TOKI ADMINISTRAZIOA

ARRATZUA-UBARRUNDIAKO UDALA

Behin betiko onestea tradizio herrikoiak berreskuratzeko dirulaguntzak emateko oinarri arautzaileen aldaketa

Hasierako onespeneren iragarkia ALHAOren 131. zenbakian, 2020ko azaroaren 18koan, eman zen argitara, eta ez da aurkeztu alegaziorik aipatutako espedientearen kontra. Hortaz, osorik argitaratzen da, indarrean jar dadin.

TRADIZIO HERRIKOIAK BERRESKURATZEKO JARDUERAK EGITEKO DIRULAGUNTZAK EMATEKO OINARRIAK

1. artikulua. Funtzak

Arratzua-Ubarrundiako Udalaren ustez, lehen sustraiturik zeuden eta herritarrak ahazten ari diren tradizio herrikoiak berreskuratu behar dira. Berreskurapen hori burutzeko modu bat da udalerriko elkarte eta kontzejuei dirulaguntzak ematea, horrelakoak antola ditzaten eta ahaztuak izan ez daitezen laguntzeko.

Kultura eta kultura jarduerak antolatzea eta sustatzea Euskadiko Toki Erakundearen apirilaren 7ko 2/2016 Legeko 17. 1. 20) artikuluan zerrendatzen diren udal eskumenen artean dago.

2. artikulua. Xedea eta helburua

Deialdiaren xedea da udalerriko elkarteei eta kontzejuei laguntzen dieten dirulaguntzen kontzezioa arautzea, ahazten ari diren herri tradizioak (hala nola "Santa Agata", "Lardero osteguna", "Jaiotza bizidunak", "Olentzero eta Mari Domingi", "Erre Pui Erre" eta "Erregeen desfilea") berreskuratzeko jarduerak antola ditzaten.

3. artikulua. Araubide juridikoa

Deialdi honetan ematen diren dirulaguntzek, oinarri hauez gainera, ondoko arau hauetan xedatutakoari jarraituko diote:

2/2016 Legea, apirilaren 7koa, Euskadiko toki erakundeena

39/2015 Legea, urriaren 1koa, administrazio publikoen administrazio prozedura erkidea-renarena.

38/2003 Lege Orokorra, azaroaren 17koa, Dirulaguntzena.

887/2006 Errege Dekretua, uztailaren 21ekoa, Dirulaguntzen Lege Orokorraren Erregelamendua onartzen duena.

Abenduaren 5eko 3/2018 Lege Organikoa, datu pertsonalak babestekoa eta eskubide digitalak bermatzekoa.

Arratzua-Ubarrundiako Udalaren dirulaguntzak arautzen dituen ordenantza orokorra.

Aurrekontua betearazteko oinarriak.

Dirulaguntzak norgehiagoka araubidean emango dira, deialdi ireki baten bidez, aurrekontu kreditua agortu arte. Dirulaguntzak printzipio hauen arabera emango dira:

Publikotasuna, gardentasuna, norgehiagoka, objektibitatea, berdintasuna eta bereizkeriarik eza

Ezarritako helburuak betetzeko eraginkortasuna

Efizientzia baliabide publikoak esleitzean eta erabiltzean.

Dirulaguntza eskaera aurkezteak esan nahi du eskatzaileak ezagutzen eta onartu egiten dituela oinarri hauek, Arratzua-Ubarrundiako Udalaren dirulaguntzak arautzeko ordenantza orokorra eta azaroaren 17ko 38/2003 Legea, dirulaguntzen orokorra, eta baita horrelako dirulaguntzei aplikatu beharreko arau guztiak ere, bai zuzenekoak, bai subsidiarioak.

4. artikulua. Aurrekontuko zuzkidura

Arratzua-Ubarrundiako Udalak ekitaldi bakoitzean aurkeztutako eskaerei erantzuteko nahikoa den kopuru bat xedatuko du, dagokion aurrekontu partidaren kontura. Ezingo da dirulaguntzarik eman ondoriozko aurrekontu esleipenik egin gabe.

5. artikulua. Erakunde onuradunak

Dirulaguntza honen xede diren jardueretako edozein egiten duten udalerriko elkarteak eta kontzejuak izango dira onuradunak.

6. artikulua. Elkarte eta kontzeju eskatzaileen betekizunak

Elkarte eta erakunde eskatzaileek honako betekizun hauek bete beharko dituzte:

Elkarteek: Euskal Autonomia Erkidegoko elkarten erregistro orokorrean inskribatuta egotea eta egoitza Arratzua-Ubarrundia udalerrian edukitzea.

Arratzua-Ubarrundiako Udalarekiko zerga betebeharren ordainketa egunean edukitzea deialdi hau behin betiko ebatzi arte.

7. artikulua. Eskaerak

Eskaerak I. eranskinetako eredu ofizialarekin bat etorriko dira, eta idazkera larri argi eta irakurgarri bete beharko dira. Eskaerak tutoreek sinatuko dituzte eskatzaileak adingabeak edo legez ezgaitutako pertsonak izanez gero.

Aurkezteko epea: deialdian agertzen den data.

Aurkezteko modua:

Aurrez aurre udal bulegoetan, 8:00etatik 14:00ak arteko ordutegian.

Telematikoki, Udalaren egoitza elektronikoaren bidez: www.arratzua-ubarrundia.eus (gaituta baldin badago).

Dirulaguntza emateko eskabidearekin batera aurkeztu behar diren agiriak:

Egin nahi den jardueraren proiektua edo memoria, sinatuta.

Jarduerarako aurreikusitako aurrekontua.

Lortu ahal diren beste dirulaguntza batzuen zerrenda.

Eskaera aurkeztearekin, eskatzaileek hau onartzen dute:

Datuak Udalaren diru-bilketa zerbitzuekin gurutzatzea, jakiteko elkarte edo kontzeju eskatzaileak zerga betebeharren ordainketa egunean duen.

8. artikulua. Eskaerak aztertzea eta ebaztea

Aurkeztutako agiriak osorik ez badaude, 10 eguneko epea emango zaio entitate eta organismo eskatzaileari horiek denak osatzeko. Gainera, ohartaraziko zaio ezen, epe hori igarota

aurkeztu ez baditu, eskaerari uko egin diola ulertuko dela, betiere dagokion ebazpena eman ondoren.

Dirulaguntzak udalbatzak emango ditu, osoko bilkuran jorratu beharreko gaien informazio batzordeak proposatuta.

9. artikulua. Dirulaguntzen zenbatekoa:

Aurreikusitako gastuaren % 90erainoko dirulaguntzak eman ahalko dira, muga hauekin:

Santa Agata, Lardero Osteguna, Erre Pui Erre: 50,00 euro.

Olentzero eta Erregeen desfilea: 300,00 euro.

Jaiotza bizidunak: 1.000,00 euro.

Deialdi honen xedearekin bat datozen beste proposamen batzuk, Udalbatzak onetsiak: 50,00 euro.

10. artikulua. Diruz lagundu daitezkeen gastuak

Santa Agata, Lardero osteguna eta Erre Pui Erre: joaten direnei txokolatea, salda eta gaztainak eskaintzeko osagaiak.

Olentzero eta Erregeen desfileak: jantzien alokairua, antzezpenerako beharrezkoak diren elementuak, joaten direnei txokolatea, salda, gaztainak eta karameluak eskaintzeko osagaiak.

Jaiotza bizidunak: jantzietan egindako gastuak (oihalak eskuratzea, jantziak egitea, alokatzea), dekoratuak eraikitzeko materialak eta antzetzeko behar diren elementuak.

Deialdi honen xedearekin bat datozen beste proposamen batzuk, Udalbatzak onetsiak: jarduera motaren arabera balioetsiko dira, ahal den neurrian aurreko edozein apartaturekin parekotzat joaz.

11. artikulua. Dirulaguntzen bateragarritasuna

Dirulaguntza hauek ematea bateragarria izango da jarduera antolatzen duen entitateak helburu bererako jasotzen duen beste edozeinekin. Hala ere, udal honek emandako dirulaguntzaren zenbatekoa, bera bakarrik nahiz beste administrazio, erakunde edo organismo publiko batzuek emandako dirulaguntzekin batera, ezingo da inola ere izan egindako jardueraren kostua baino handiagoa.

12. artikulua. Dirulaguntzen justifikazioa eta ordainketa

Dirulaguntza jarduera egin ostean eta elkarteak edo kontzejuak emandako dirulaguntza ordaintzeko eskaria aurkeztu eta gero ordainduko da.

Ordaintzeko eskaera udalak onartutako ereduan egingo da (II. eranskina) eta harekin batera dokumentazio hau aurkeztu beharko da:

Egindako jardueraren memoria, arduradunak izenpetuta. Bertan, honako hauek zehaztu beharko dira: jarduera, emandako dirulaguntza, egin den eguna eta parte hartzaile eta onuradunen kopurua, desberdinak badira.

Lortutako beste dirulaguntza batzuen ebazpena.

Egindako jardueraren argazkiak edo grabazioak.

Jardueran egindako gastuen eta diru sarreren zerrenda, arduradunak izenpetuta.

Onuradunaren izenean jaulkitako jatorrizko fakturak, egindako gastuenak; emandako dirulaguntzaren zenbateko bera edo handiagoa eduki behar dute eta argi eta garbi jaso beharko dute zein kontzepturenak diren, bai eta kasuan kasuko BEZa eta haien ordainagiriak ere.

13. artikulua. Laguntzen kontrola

Erakunde onuradunak udalari jakinarazi beharko dizkio kontzeptu honetarako eskuratzen dituen beste laguntza edo dirulaguntzak, horiek jasotzen diren unean.

Laguntzen jasotzaileei aplikatu beharreko itzulketak, zehapenak eta erantzukizunak arautzen dituen araubidea azaroaren 17ko 38/2003 Legeak, dirulaguntzen orokorrak, eta Arratzua-Ubarundiako Udalaren dirulaguntzak arautzen dituen ordenantzak ezartzen dutena izango da.

14. artikulua. Arau-hausteen eta zehapenen araubidea

Arau hauste eta zehapen administratiboei dagokienez, azaroaren 17ko 38/2003 Legeak, dirulaguntzen orokorrak, 52. artikuluetan eta hurrengoetan xedatutakoari eta udalak onartutako dirulaguntzen eta laguntzen kontsezioa arautzeko ordenantzak 14. artikuluan ezarritakoari jarraituko zaie. Halaber, ordenantza horren 15. artikuluan agintzen denaren arabera zehatuko dira.

15. artikulua. Legeria osagarria

Oinarri hauetan aurreikusita ez dauden alderdietan, udalak onartutako dirulaguntzen eta laguntzen kontsezioa arautzeko ordenantzan xedatutakoari, Dirulaguntzen Lege Orokorrari eta hori garatzen duen araudiari jarraituko zaie.

Guztiak jakinaren gainean egon daitezten argitaratzen da.

Dura, 2020ko abenduaren 18a

Alkatea

M^a BLANCA ANTÉPARA URIBE



HERRI-TRADIZIOAK BERRESKURATZEKO DIRU-LAGUNTZA ESKABIDEA

...../ ELKARTEA EDO KONTZEJUA	 /IFK	
ORDEZKARIA (IZENA ETA ABIZENAK)		NAN-AIZ-IFK	
KOMUNIKAZIOA-JAKINARAZPENA EGITEKO DATUAK			
Kalea	Zk	Solairua	Herria
Posta-Kodea	Udalerrria	Lurraldea	
Posta elektronikoa	Telefono zk.	Mugikorraren zk.	

Nori egin jakinarazpena

Erakunde interesduna

Ordezkarria

Nola egin jakinarazpena

Posta

Elektronikoki

AZALTZEN DUT

Herri-tradizioak berreskuratzeko jarduerak egiteko, udalak onartutako diru-laguntza deialdiaren berri duela

..... jarduera, datan, herrian egitea duela aurreikusita.

Ogasunarekiko eta Udalarekiko dituen zerga-betebeharrak eguneratuta dituela. Adingabeen edo tutoretzapekoen kasuan, betebeharrak hau tutoreen ardura izango da.

EAEko elkarten erregistroan izena emanda dagoela, eta Arratzua-Ubarrundiako udalerrian duela egoitza (elkarten kasuan bakarrik)

ESKATZEN DU

Egindako jarduerari dagokion diru-laguntza jasotzea.

ERANTSITAKO AGIRIAK / DOCUMENTACIÓN APORTADA

- Aurkeztutako jardueraren Proiektua / Memoria.
 Jarduerarako aurreikusitako aurrekontua.
 Jasotzea aurreikusten den beste dirulaguntzen zerrenda.

SINADURA ETA DATA:

	DATUEN BABESA
Arduraduna	Arratzua-Ubarrundiako Udala
Helburua	Hainbat jarduera sustatzeko dirulaguntzak ematea
Legitimizazioa	Datuen tratamendua lege-betebeharrak eta/edo interesdunen baimenak legitimatzen dute.
Hartzaileak	Jasotako datuak Dirulaguntzen Datu Base Nazionalari lagako zaizkio. Ez da bestelako lagapenik egongo, legeak hala agintzen ez bada.
Eskubideak	Interesdunak bere eskubideak gauzatu ahal izango ditu Arratzua-Ubarrundiako Udalarekin (Urbea kalea 12, 01520 Durana) harremanetan, arduradun gisa. Datuen kontserbazio-modua legeak agindutakoa izango da, datuen helburuaren arabera. Datuak ez dira erabiliko erabaki automatizatuak lantzeko.

Arratzua-Ubarrundiako Udala / Ayuntamiento de Arratzua-Ubarrundia - Urbea Kalea, 12 01520 – Durana (Araba)



HERRI-TRADIZIOAK BERRESKURATZEKO DIRU-LAGUNTZA ORDAINTEZKO ESKABIDEA

...../ ELKARTEA EDO KONTZEJUA	 /IFK	
ORDEZKARIA (IZENA ETA ABIZENAK)		NAN-AIZ-IFK	
KOMUNIKAZIOA-JAKINARAZPENA EGITEKO DATUAK			
Kalea	Zk	Solairua	Herria
Posta-Kodea	Udalerria	Lurraldea	
Posta elektronikoa	Telefono zk.	Mugikorraren zk.	

Nori egin jakinarazpena

 Erakunde interesduna Ordezkarria

Nola egin jakinarazpena

 Posta Elektronikoki**AZALTZEN DU**

..... jarduera herrian datan egin dela, eta jarduera horretarako, datadun saioan, dirulaguntza eman zitzaioa. Udalarekiko dituen zerga-betebeharrak eguneratuta dituela.

ESKATZEN DU

Jasotako dirulaguntza ordaintzea

AURKEZTUTAKO DOKUMENTAZIOA

- Egindako jardueraren memoria, diruz lagundutako jardueraren arduradunak sinatua. Bertan zehaztu behar da: jarduera egin den data, parte hartu duen eta jardueraren onuraduna den lagun kopurua.
- Bestelako dirulaguntzaren bat jaso bada, ebazpena.
- Egindako jardueraren argazkiak edo grabazioak.
- Jardueraren gastuen eta sarreraren zerrenda, arduradunak sinatua.
- Onuradunaren izenean jaulkitako jatorrizko fakturak, emandako diru-kopuruaren zenbateko bera edo handiagoa duten gastuei dagozkienak. Bertan, argi eta garbi jaso beharko da fakturaren kontzeptua eta BEZa. Era berean, fakturen ordainagiriak aurkeztu behar dira.

SINADURA ETA DATA:

	DATUEN BABESA
Arduraduna	Arratzua-Ubarrundiako Udala
Helburua	Hainbat jarduera sustatzeko dirulaguntzak ematea
Legitimizazioa	Datuen tratamendua lege-betebeharrek eta/edo interesdunen baimenak legitimatzen dute.
Hartzaileak	Jasotako datuak Dirulaguntzen Datu Base Nazionalari lagako zaizkio. Ez da bestelako lagapenik egongo, legeak hala agintzen ez bada.
Eskubideak	Interesdunak bere eskubideak gauzatu ahal izango ditu Arratzua-Ubarrundiako Udalarekin (Uribea kalea 12, 01520 Durana) harremanetan, arduradun gisa. Datuen kontserbazio-modua legeak agindutakoa izango da, datuen helburuaren arabera. Datuak ez dira erabiliko erabaki automatizatuak lantzeko.

Arratzua-Ubarrundia Udala / Ayuntamiento de Arratzua-Ubarrundia - Uribea Kalea, 12 01520 – Durana (Araba)